

Maggy's ta presenta fragrancia nobo pa homber "Jungle"



ORANJESTAD(AAN): --- Maggy's den Caya Betico Croes a presenta riba Diasabra ultimo, e fragrancia nobo di Kenzo "Jungle".

E presentacion aki tabata den cuadro di Dia di Tata y a cay bon cerca e hendenan cu tabata den Caya Grandi en busca di un regalo pa nan papi.

Magic FM a transmiti e evento en vivo.

Jungle ta un fragrancia completamente nobo, crea especialmente pa e homber aventurero cu ta gusta su libertad y no por wordo

domina.

E homber cu ta usa Jungle ta di mente curioso y di naturaleza radical, e ta determina pa descubri e esencia di bida, e ta sensual y e ta refina.

E fragrancia ta consisti di holornan di lamunchi, nootmuskat, simiya di cayena, palo ceder, azeta di palo di benzoin, musk y palo di guaiac.

Hunto nan ta compila un fragrancia cu ta invoca e presencia di naturaleza wild.

Riba fotonan, momentonan durante e presentacion di Diasabra.



Eddy Croes a huramenta como miembro di Parlamento



ORANJESTAD (AAN): Diaranzon 17 di Juni mr.P.E.Croes a huramenta como miembro di Parlamento dilanti Gobernador mr.O.Koolman, segun articulo III di Constitucion di Aruba.

Na e ceremonia aki tabata presente su sra.esposa F.Croes-Rodriguez, mr.J.H.A.Eman ministro president, sr.A.R.Bislick, vice-pte. di Parlamento, lic.J.D.Semeleer, griffier suplente, sra. M.H. de Graaff, coordinadora di e Ministro di Enseñanza. Pa kabinete di Gobernador tabata presente mr.M.Bakker, director y sr.T.A. van der Werf, prome colaborador.

